

სატენდერო კომისიის სხდომის
ოქმი N18-1

23/12/2019 წელი.

ქ. ბათუმი.

დღის წესრიგი: შუახვევის მუნიციპალიტეტში ს/გზა "ზამლეთი-ხიხადირი" კმ1+600-კმ4+800 მონაკვეთზე ასფალტბეტონის საფარის მოწყობის ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო დოკუმენტაციის პროექტის დამტკიცება.

სხდომას ესწრებოდნენ:

სატენდერო კომისიის თავმჯდომარე, დეპარტამენტის უფროსის მოადგილე - ბაქარ ჩიტაია,
კომისიის წევრები:

- საფინანსო-საბუღალტრო სამსახურის უფროსი - ზვიად ანანიძე.
- იურიდიული სამსახურის უფროსი - მალხაზ ბოლქვაძე
- ლოჯისტიკის სამსახურის უფროსი - როლანდი ბოლქვაძე.
- სახელმწიფო შესყიდვების სამსახურის უფროსი (აპარატის წევრი) - ზებურ ჩავლეიშვილი.

აპარატის წევრი:

სახელმწიფო შესყიდვების სამსახურის მე-2 კატეგორიის უფროსი სპეციალისტი - ირინა ფუტყარაძე
მომხსენებელი - ზ. ჩავლეიშვილი.

მოისმინეს: შუახვევის მუნიციპალიტეტში ს/გზა "ზამლეთი-ხიხადირი" კმ1+600-კმ4+800 მონაკვეთზე ასფალტბეტონის საფარის მოწყობის ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო პირობების პროექტის დამტკიცების შესახებ.

მომხსენებელმა - ზ. ჩავლეიშვილმა აღნიშნა, რომ შესყიდვის სავარაუდო ღირებულება შეადგენს 1 395 010 ლარს. სატენდერო წინადადების ფასი წარმოდგენილი უნდა იქნას დღგ-ს ჩათვლით. შესყიდვა სასურველია განხორციელდეს ელექტრონული ტენდერით აუქციონის გარეშე. ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად ვადები განისაზღვროს "სახელმწიფო შესყიდვების შესახებ" საქართველოს კანონის 15¹ მუხლის მე-3 პუნქტის „დ“ ქვეპუნქტის შესაბამისად.

სამუშაოს შესრულების ვადაა 150 კალენდარული დღე სამუშაოების დაწყებიდან. მიმწოდებელი ვალდებულია სამუშაოები დაიწყოს არაუგვიანეს 2019 წლის 15 აპრილისა, ხელსაყრელი კლიმატური პირობების არსებობის შემთხვევაში პრეტენდენტი უფლებამოსილია დაიწყოს სამუშაოები ხელშეკრულების გაფორმების თარიღიდან 2020 წლის 15 აპრილამდე პერიოდში. მიმწოდებელი ვალდებულია სამუშაოს დაწყების შესახებ წერილობით აცნობოს შემსყიდველს. 2020 წლის 15 აპრილამდე პერიოდში სამუშაოების დაწყების შემთხვევაში ხელშეკრულებით გათვალისწინებული სამუშაოს შესრულების ვადის (150 კალენდარული დღე) ათვლა განხორციელდება მიმწოდებლის წერილობით შეტყობინებაში დაფიქსირებული სამუშაოს დაწყების თარიღიდან.

პრეტენდენტს მოეთხოვება შემდეგი სახის ტექნიკური დოკუმენტაციის წარმოდგენა:

- ინფორმაცია სამუშაოების შესასრულებლად საჭირო მანქანა-მექანიზმების შესახებ. სავალდებულო მოთხოვნაა - პრეტენდენტს საკუთრებაში გააჩნდეს სატენდერო პირობებით მოთხოვნილი 17 დასახელების მანქანა-მექანიზმებიდან არანაკლებ 8 სახეობისა.

- პრეტენდენტს საკუთრებაში უნდა გააჩნდეს ასფალტის ქარხანა, ან/და გაფორმებული უნდა ჰქონდეს შესაბამისი ხელშეკრულება ასფალტბეტონის მიწოდებაზე, ასფალტის ქარხანა უნდა მდებარეობდეს შესყიდვის ობიექტის ადგილიდან არაუმეტეს 200 კმ მანძილისა. წარმოდგენილი იქნას საკუთრებაში არსებობის დამადასტურებელი დოკუმენტის (საჯარო რეესტრის ამონაწერის ან/და აუდიტის დასკვნის წარმოდგენის შემთხვევაში დოკუმენტი გაცემული უნდა იყოს ტენდერის გამოცხადების შემდეგი თარიღით) ან/და ასფალტის მიწოდებაზე გაფორმებული ხელშეკრულების ასლი, ხელშეკრულების მოქმედების ვადა განისაზღვროს არანაკლებ 2020 წლის 30 ოქტომბრისა. წარმოდგენილ დოკუმენტაციაში დაფიქსირებული უნდა იყოს ასფალტის ქარხნის ადგილმდებარეობა.

იმ შემთხვევაში თუ ასფალტის ქარხანა მდებარეობს 200 კმ-ზე მეტი მანძილის დაშორებით შესყიდვის ობიექტის ადგილიდან, პრეტენდენტი ვალდებულია წარმოადგინოს საკუთრების ან სარგებლობის დოკუმენტი (იჯარის, თხოვების ხელშეკრულებები, სატრანსპორტო საშუალების სარეგისტრაციო მოწმობა) ისეთი სპეციალური (ე. წ. „თერმოსი“) სატრანსპორტო საშუალებისა, რომელიც ოზონდამაბინის ასფალტბეტონის შორ მანძილზე

გადაადგილებას ტექნიკური ნორმებისა და სტანდარტების დაცვით.

- 2016 წლის 01 იანვრიდან სატენდერო წინადადების მიღების დაწყების თარიღამდე პერიოდში ანალოგიური სახის, კერძოდ საავტომობილო გზებზე ასფალტბეტონის საფარის მოწყობის სამუშაოების არანაკლებ 4 000 000 ლარის საერთო ღირებულების, აქედან ერთი ხელშეკრულებით არანაკლებ 1 500 000 ლარის ღირებულების სამუშაოების შესრულების დამადასტურებელი დოკუმენტაცია.

- ინფორმაცია პრეტენდენტი პირის სპეციალისტთა კვალიფიკაციის შესახებ. პრეტენდენტ პირს აუცილებლად უნდა ყავდეს საინჟინრო განათლების მქონე მინიმუმ ერთი სპეციალისტი;

- 5 ეტაპად დაყოფილი სამუშაოს შესრულების გეგმა-გრაფიკი, თითოეული ეტაპი მოიცავს 30 კალენდარულ დღეს, მიმწოდებელი ვალდებულია პირველ ეტაპზე შეასრულოს ხელშეკრულებით გათვალისწინებული სამუშაოების საერთო ღირებულების არანაკლებ 15%-სა, ხოლო შემდეგ ეტაპებზე უფლებამოსილია თვითონ განსაზღვროს შესასრულებელი სამუშაოების ღირებულება.

პრეტენდენტს მოეთხოვება საკვალიფიკაციო მონაცემების წარმოდგენა, კერძოდ:

ა) ამონაწერი სამეწარმეო და არასამეწარმეო (არაკომერციულ) პირთა რეესტრიდან;

ბ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ, საიდანაც უნდა იკვეთებოდეს რომ პრეტენდენტს არ გააჩნია აღიარებული დავალიანება ბიუჯეტის მიმართ, ამასთან არაღიარებული საბიუჯეტო დავალიანება არ უნდა აღემატებოდეს ცნობაში დაფიქსირებულ ზედმეტობის თანხას.

- იმ შემთხვევაში თუ პრეტენდენტის მიერ წარმოდგენილ საკვალიფიკაციო მონაცემებში რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება ან/და პრეტენდენტი რეგისტრირებულია მოვალეთა რეესტრში, ასევე თუ შემოსავლების სამსახურის მიერ გაცემული ცნობის თანახმად ფიქსირდება ბიუჯეტის წინაშე დავალიანება, პრეტენდენტი დისკვალიფიცირებული იქნება სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დანტკიცებული „ელექტრონული ტენდერის ჩატარების წესის“ 32-ე მუხლის 1 პუნქტის (ე) ქვეპუნქტის საფუძველზე.

- მოეთხოვება ხელშეკრულების შესრულების უზრუნველყოფის გარანტია სახელშეკრულებო თანხის 5%-ის ოდენობით;

- გათვალისწინებულია ავანსის გაცემა სახელშეკრულებო ღირებულების არაუმეტეს 25%-ის ოდენობით.

- განისაზღვროს შეთავაზების ფასის კლების ბიჯი - შესყიდვის სავარუდო ღირებულების - 1%.

კომისიის წევრებმა განიხილეს წარმოდგენილი სატენდერო განცხადებისა და სისტემაში ელექტრონულად შევსებული სატენდერო პირობების პროექტი და მხარი დაუჭირეს წარმოდგენილ პროექტს.

დაადგინეს:

1. დამტკიცდეს შუახევის მუნიციპალიტეტში ს/გზა "ზამლეთი-ხიხაძირი" კმ1+600-კმ4+800 მონაკვეთზე ასფალტბეტონის საფარის მოწყობის ელექტრონული ტენდერის აუქციონის გარეშე სახელმწიფო შესყიდვის წარმოდგენილი სატენდერო განცხადების და სისტემაში ასატვირთი ელექტრონულად შევსებული სატენდერო პირობების პროექტი;

2. განისაზღვროს შესყიდვის საორიენტაციო ღირებულება 1 395 010 ლარის ოდენობით, შესყიდვა განხორციელდეს ელექტრონული ტენდერით აუქციონის გარეშე.

3. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

სატენდერო კომისიის თავმჯდომარე:

ბაქარ ჩიტაია

კომისიის წევრები:

ზვიად ანანიძე

მალხაზ ბოლქვაძე

როლანდ ბოლქვაძე

ზებურ ჩავლეიშვილი

აპარატის წევრი:

ირინა ფუტკარაძე